

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-19-22935/21
Sarajevo, 13.01.2022. godine

Na osnovu člana člana 69. stav (2) tačka e) i člana 70. stav (1) i (4) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi

ODLUKU O PONIŠTENJU POSTUPKA JAVNE NABAVKE

I

Prihvata se preporuka Komisije za javnu nabavku radova i poništava se postupak javne nabavke – „Izvođenje radova na sanaciji stanova u vlasništvu Općine Novi Grad Sarajevo” broj obavještenja 422-1-3-226-3-203/21, objavljeno na Portalu javnih nabavki dana 06.12.2021. godine i “Službenom glasniku BiH - Oglasnik javne nabavke”, br.75/21 od 10.12.2021.godine, obzirom da su cijene svih prihvatljivih ponuda znatno veće od osiguranih sredstava za predmetnu nabavku.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Odlukom broj 02/12-19-22935/21 od 01.12.2021. godine Općina Novi Grad Sarajevo pokrenula je otvoreni postupak javne nabavke – „Izvođenje radova na sanaciji stanova u vlasništvu općine Novi Grad Sarajevo”, broj obavještenja 422-7-3-226-3-203/21, objavljeno na Portalu javnih nabavki dana 06.12.2021. godine i “Službenom glasniku BiH - Oglasnik javne nabavke”, br.75/21.

Zapisnikom o otvaranju ponuda od 27.12.2021. godine Komisija je konstatovala da su u predviđenom roku, u propisno upakovanim kovertama, pristigle tri (3) ponude ponuđača:

1. „Oki upravitelj“ d.o.o. Sarajevo
2. “Dinalsa” d.o.o. Sarajevo
3. „Sela“ d.o.o. Sarajevo

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Oki upravitelj“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. (a) tehnička i profesionalna sposobnost – da je jedno lice VSS-građevinske ili arhitektonske struke stalno zaposleno kod ponuđača sa položenim stručnim ispitom i radnim iskustvom od najmanje 5 godina; a tačkom 3.4.2. (2) propisano je da ponuđač treba dostaviti dokaz izdat od PIO ili MIO ili Porezne uprave da ponuđač u radnom odnosu na neodređeno vrijeme ima zaposlenog jednog diplomiranog inženjera – građevinske ili arhitektonske struke sa položenim stručnim ispitom i pet godina radnog iskustva (original ili ovjerena kopija sa datumom izdavanja ne starijim od 30 dana računajući od dana utvrđenog kao krajnji rok za predaju ponuda).“ Uvidom u dostavljenu ponudu ponuđača „Oki upravitelj“ d.o.o. Sarajevo konstatovano je da je ponuđač dostavio uvjerenje koje je izdala Porezna ispostava Centar pod brojem 13-8/2-12-5-3513/21 SN od 22.10.2021.godine, dakle starije od 30 dana računajući od dana utvrđenog kao krajnji rok za predaju ponuda a kao krajnji rok za predaju ponuda je određen 27.12.2021.godine. Ponuđač je dostavio i Uvjerenje koje izdao Federalni zavod za PIO/MIO, Kantonalna administrativna služba – Sarajevo broj 0001279036496 od 10.11.2021.godine, takođe starije od 30 dana računajući od dana utvrđenog kao krajnji rok za predaju ponuda.

Nadalje Komisija je utvrdila da ponuđač „Oki upravitelj“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 4.4. cijena ponude – 4.4.1. *Ponuđač treba popuniti obrazac za ponudu i obrazac za cijenu ponude koji se nalaze u prilogu tenderske dokumentacije u skladu sa svim podacima koji su definisani u Aneksima 2. i 3. Tačkom 4.4.2. propisano je da ukoliko ponuđač propusti popuniti obrazac za cijenu (Aneks 3) u skladu sa postavljenim zahtjevima za sve stavke koje su navedene i ukoliko bude mijenjao stavke u navedenom obrascu, ponuda ponuđača će biti odbačena.* Uvidom u dostavljenu ponudu ustanovljeno je da ponuđač nije popunio Aneks 3- obrazac za cijenu ponude u skladu sa svim podacima koji su definisani u istom, odnosno na strani br.16 ponude za stavku 3 nije data jedinična cijena tj. ponuđač je propustio popuniti navedenu stavku, a što je bio obavezan popuniti u skladu sa zahtjevima iz tenderske dokumentacije.

Takođe ponuđač ne ispunjava kvalifikacioni uslov tražen u tenderskoj dokumentaciji iz tačke 5.2. gdje se navodi da je sastavni dio ove tenderske dokumentacije Nacrt ugovora u koji su uneseni svi elementi iz tenderske dokumentacije. Komisija je konstatovala da ponuđač nije popunio sve elemente u dostavljenom nacrtu ugovora što je bio obavezan popuniti.

Iz naprijed navedenih razloga utvrđeno je da ponuđač „Oki upravitelj“ d.o.o. Sarajevo ne ispunjava uslove tražene u tenderskoj dokumentaciji iz tački 3.4.1. (a) – tehnička i profesionalna sposobnost, 4.4. i 5.2. te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je pristupila analizi i procjeni preostalih ponuda, te utvrdila da ponude ponuđača ispunjavaju formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu ponude te konstatovala da nije bilo računске greške.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „Sela“ d.o.o. Sarajevo sa ponuđenom cijenom za ugovor u iznosu od 58.528,05 KM bez PDV-a i 2. „Dinalsa“ d.o.o. Sarajevo sa ponuđenom cijenom za okvirni sporazum u iznosu od 74.205,60 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 10.01.2022. godine sa početkom u 12:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-226/21 od 10.01.2022. godine, utvrđeno je da nije bilo podnošenja ponuda te je Komisija je utvrdila da konačna rang lista ponuđača koji su mogli učestvovati na e-aukciji izgleda kako slijedi:

1. „Sela“ d.o.o. Sarajevo sa ponuđenom cijenom za ugovor u iznosu od 68.477,82 KM sa PDV-om;
2. „Dinalsa“ d.o.o. Sarajevo sa ponuđenom cijenom za ugovor u iznosu od 86.820,55 KM sa PDV-om.

Nadalje Komisija je utvrdila da je prvorangirana ponuda ponuđača „Sela“ d.o.o. Sarajevo veća od osiguranih sredstava za predmetnu nabavku, obzirom da je Odlukom o pokretanju postupka procijenjena vrijednost nabavke 60.000,00 KM sa PDV-om, odnosno da ponuđena cijena za ugovor ponuđača „Sela“ d.o.o. Sarajevo iznosi 68.477,82 KM sa PDV-om.

Iz naprijed navedenih razloga ponuda „Sela“ d.o.o. Sarajevo je odbačena shodno članu 69. stav (2) tačka e).

Imajući u vidu da je Komisija u cijelosti pravilno provela postupak i da je kvalifikovanost ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije o poništenju postupka javne nabavke, te je shodno odredbama člana 69. stav (2) tačka e) Zakona o javnim nabavkama („Službeni glasnik BiH“, br. 39/14) odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za rmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

Općinski načelnik
mr. Senir Efendić

